

ANDREAE VVE-  
SALII BRUXELLENSIS,

SCHOLAE MEDICORVM

Patauine professoris publici,

EPISTOLA, DOCENS

venam axillarem dextri cubiti in do-  
lore laterali secandam: & melancholi-  
cum succum ex venæ portæ ra-  
mis ad sedem pertiner-  
tibus, purgari.

IN LABORE



APVD COMINVM DE TRIDINO  
MONTISFERRATI, ANNO  
M. D. XXXXIIII.

EPISTOLA AD CANDIDVM  
LECTOREM.

Explorata salus miseris mortalibus adsum,  
Rapta licet plagio, vel fugitiua ferar,  
Scilicet inuidiæ primùm deterruit atrox  
Tempestas, quid enim non premere illa solet,  
At domino tandem nolente repagula rupi,  
Nolente inuidia, publica facta legar.  
Tu modo frugiferũ Philomuse capeſſe laborẽ,  
Conatusq; hilari ſuſcipe fronte pios.  
Crescentes vegeta, at penitus ne deſpice vires,  
Poſt tenues orſus quæ meliora dabunt.

# ORNATISSIMO

CLARISSIMOQUE VIRO NI-

colao Florenati, Inuictissimi Caroli

Cesaris Medico peritissimo, Domino

suo plurimum colendo, Andreas

Vvesalius Bruxellensis. S.D.



VOBVS nominibus, Patrone in primis obseruande, superiores tuæ literæ, plurimū me recrearunt: tum quòd tabulas i studiosorū vsum à me editas, Cæsareꝝ Maieſtati ceterisqꝫ pstantissimis viris, vnicè pbari significas: tum quia pgratum tibi fore polliceris, si lineas ad marginē venæ cauæ de vena in laterali dolore secāda, & ad finē lateris venę portę, de melancholici succi p hæmorrhoides purgatione ascriptas, diffusius explicare contendā. A ple risqꝫ enim qd in illis sentiam, parū perpendi arbitraris, remqꝫ censes dignam quæ fusiori oratione explicata rationumqꝫ pſidio firmata, studiosis legenda exhibeatur. Nescio sanè, vtrū ex animi sentētia magis, an iucūdius in vita obtingere quicquā poterat, quā illud à me expeti, quo erga te gratior aliquādo videri possem; idqꝫ propterea, quòd tu vnus ex



omnib. semp extitisti, cui non solum quicunq;  
in me vel eruditionis, vel cuiusuis alterius ac-  
cessionis argumenta extant, accepta ferre de-  
beam, verumetiā quod ea est tuorū erga me  
meritorum magnitudo, vt si quis accepti ex-  
pensiq; inter nos rationē pressius cuncta an-  
mauertēs inire velit, meum ē diario tuo no-  
men haud facile expunctū iri aliquando exi-  
stimet, ac parētis potius quā amici loco du-  
cendum te mihi censere queat. At rursus ex-  
crucior, id mihi à te oneris potissimū iniungi,  
cui neutiquam par esse possim: aut si fortē p  
ingenij vires possim, nunc ea certē impendēt  
tempora, vt hoc qcquid est, tacitus apud me  
pmere, quā publicē (quod hodie plurimis  
vsu venit) aliorū conuicijs me nouis parado-  
xis exponere preoptārim. Nosti nāq; quā  
apertis verborū dissidijs, inflāmato studio,  
& cōtentionum machinis eruditissimi quicq;  
de vena in laterali dolore incidēda inter se di-  
gladient. adeò vt pauci alicuius nominis me-  
dici reperiantur, qui hac de re qualecunq; sui  
ingenij specimen edere nō sint aggressi, atro-  
cissimas in se aduersariorū criminationes gra-  
uissimasq; inuidiæ tempestates concitātes. Vt  
interim pteream rabulas istos noua omnia  
respuentes, qui quum semel imbibitam here-

ſim tueri ſtudent, maximis iniurijs contume-  
lijsq; illos laceſſunt, qui è directiō lateris affe-  
cti venā ſecandā arbitrantur. Nondum opi-  
nor animo tuo excidiſſe, quod iam pridē de  
Louanienſib. medicis ſcripſi, inter quos quē-  
dam ſuo iudicio probè doctum, & nescio ob  
quas diuitias mire ſibi placentē, Manardum,  
Fuschium, Curtium & Briſottū medicorum  
Lutheranos in frequētiffimo eruditiffimorū  
virorum conſeſſu appellare nō puduit: quòd  
illorū autoritate in publicis diſputationibus  
fretus, cōtra ipſius de vena ſecāda placitum,  
acrius fortè inſtarē. Exiſtimabat quidem vir  
pius, priſtinam Hippocratis medendi ratio-  
nē, à vetere inſcitia barbarieq; ſummis cona-  
tibus, ac ſubinde non mediocri familiaris rei  
diſpendio, vindicantes, tãquā medicinæ Lu-  
theranos, alijs atq; alijs iniurię plenīs nomini-  
bus irridendos: quippe qui cū ſapere ſibi ſo-  
li videretur, inſolito animi faſtu turgidus, reli-  
quos præ ſe aſpernari, quumq; aliud verè non  
poſſet, heretiſim nescio quam alijs obijcere ſo-  
let. deinde ne nos quoq; Candidati, eiufmodi  
peſtifera tabe inſiceremur, conſuetis ſuis, hoc  
eſt, barbaris, ac ex vulgi fæce cōquiſitis voci-  
bus vtēdum eſſe, impudentiſſimè occlamare  
conſuevit. Sed quid is, atque non diſſimiles

grylli obgruniāt, flocci ( vt subinde hortatus es ) pendo. Quid vero elegātissimus doctissimorum Parisiensium medicorum coetus, præceptorū meorū, qd Manardi ac Brisotti manes, quid Fuschiū, Curtius, Hubertus Barlandus, viri nostra ætate celeberrimi obijcerent, grauius mihi perpendendum duco. qui tantis sudoribus & indefessis studijs, veram Hippocratis & Galeni de vena in pleuritide secāda sententiā tueri, & a profundissimis tenebris in lucē reuocare iam diu student: præter alios Europę peritissimos viros, vno ore in illorū sententiā descendentes. Malè profectò mihi consultū optarem, si illorum criminationibus me darem, quos tanquā numina & deos quosdā colendos esse semper iudicaui. Nam si Icarimore, pennis parum fixis, velut in artis operibus rebusq; tractādis modicè versatus, nouū de vena in laterali morbo incidenda, dogma inueherē, hinc quidam scycophantiarum aculeos intētarent, illinc alijs, nulla rei habita ratione ilico maledicēdi studio nati, virulēto linguę spiculo me confoderent. Quę licet contemnēda videantur, animūq; ingenuū a præclaro instituto reuocare neutiquam debeant, incōmodaturum tamē illis me scio, qui magnis lucubrationibus



congesta hac de re volumina, adhuc in manibus seruant, nonumq; (vt Flaccus hortatur) premunt in annum. His enim aut in me cōfutando nouum facerem negocium: aut si fortè in meā descenderent sententiā, iam operā oleumq; lussissent. Memini iam pridē Barlādi iustū volumen in Louaniens. modicos. me legisse, quod Ioanni Guinterio viro eruditissimo literatissimoq; cōmunicatū ab ipso autore erat. Verum id ob denegatā typographorū operam (quemadmodum in posteriori aduersus Fuschiū raræ eruditionis virum apologia, Brachelius falso iocatur) hactenus minimè latuisse mihi persuadeo, præsertim quū autographū ipsum exemplar Parisinos typographos obnixè summòq; studio expetiuisse cognorim. Proximus huic est Curtius, acerrimi iudicij vir, quē diu promissum commentarium de secanda in internis inflāmationibus vena, editurum non ignoramus. Ostēdit enim mihi ante menses aliquot, cum partim ipsius causa, partim animi recreandi gratia Bononiam concessissem, ipsumq; prolixè ac familiariter conuenissem, tres eius commentarij impressos codices. Cur verò hactenus reliqui non fuerint subsecuti, vehemēter demiror. Hęc mihi crede, quominus, quod tā

toperè suades aggredior, nō immerito me  
 grauitèr absterret, atq; intra septa cōtinent.  
 Cæterū ne vel omnino tā honestè afflagita-  
 tionī deesse diutius, vel tua in me beneficia  
 parum agnoscere videar, nactus nūc à publi-  
 cis prælectionibus nō nihil ocijquā libētis-  
 simè ad te priuatim, quid hac de re sentiā, di-  
 fusius quidē (sed cursim & tumultuariè) per-  
 scribā: donec per ætatem aliquādo, rerumq;  
 vsum, publico certamini me cōmittere susti-  
 nebo. quāuis alioqui res sit ferè eiusmodi, vt  
 quæ nec proluxa tractatione, neque varijs de  
 mōstrationibus indigeat: sed quæ ex aliorum  
 præcipijs, diligētissimāq; anatomes inspectio-  
 ne præcipuè dependeat. Ne igitur longius te  
 morer, duplicem tibi perspectā scio de secan-  
 da in dolore laterali vena opinionē. Prioris  
 quidē autores, è directo lateris affecti, venā  
 interiorē cubiti secandam autumant, siue re-  
 uulsionem, siue deriuationē moliri oporteat.  
 Quamuis & hī nonnihil inter se dissideant:  
 Alij enim in vna vena et reuulsionē simul et  
 deriuationē faciendam esse contendunt, ali-  
 ter facturi, si egrotātis vires duas illas euacua-  
 tiones simul nō admitterēt: tunc enim popli-  
 tis, aut malleoli è directo affecti lateris venā,  
 ad reuulsionē diuiderent, deinde ad deriua-



tionē accedentes postridie, aut maiori mino-  
riūre interuallo pro ægrotantis robore inter-  
posito, eam celebrarent, venā cubiti ē directo  
patientis lateris intrepidè diuidentes. Alij ve-  
rò huius sententiæ principes, siquidem ob vi-  
rium imbecillitatē, reuulsionē duntaxat æ-  
grum ferre arbitrentur, etiam venā affecti la-  
teris solū reuulsuri secabunt, ac deinceps post  
tēporis interuallum ex eadem vena deriu-  
ationē molientur. De illo interim virium ro-  
bore intelligas velim, quod aliquā sanguinis  
ex vena educationem suffert. Alterius autē se-  
ctæ principes, ab his planè dissentiūt, ac vnā  
cum Arabū sententia Hippocratis & Gale-  
ni placitum sese tueri arbitrati, corporis pleni-  
tudinē & generationis morborum tempora  
distinguūt, quod si plenitudine laborare, aut  
sanguinem in partem ægrā adhuc fluere, cer-  
tis indicijis suspicentur, reuulsuri, ad longissi-  
mè distātia auocandum sanguinem suadent  
atq; ex opposito lateris affecti, venā axillarē,  
in cubito, aut venulā inter minimū ac sequen-  
tem digitos procurrentē secāt. Quanquam  
& inter hos peritiores inuenias, qui tunc pri-  
mū ex poplite, aut malleolo interiori affecti  
lateris sanguinem educāt. Celebrata itaq; ad  
hunc modum ab ipsis reuulsione, intermissis

sepe diebus pluribus, ad deriuationē prope-  
rant, qua sanguinē parti affectæ inhærentē,  
ac (vt ipsi loquuntur) in partem fluxū, se eua-  
cuaturos existimant, diuiduntq; venā cubiti  
ē directo lateris affecti. Si verò hi inter mali  
initia, corpus sanguine minimē turgidū, nul-  
lūq; humorem adhuc fluere (quod vix possi-  
bile arbitror) collegerint, etiam & tunc, pri-  
mū venam interiorem cubiti, ē directo affli-  
cti lateris, incident: licet eorum pleriq; nō leui  
errore extremæ manus venas frequentius, q̃  
cubiti, aperiendas præscribant. Porro quibus  
rationibus, singuli suum dogma, varijs atque  
hinc inde distortis autorum suffragijs sufful-  
ciant ac tueantur, tibi perscribere ridiculū pla-  
nē foret, atq; vt in prouerbio est κλαυκας εις αθη-  
νας, qui in hac palæstra, quemadmodū in vni-  
uersa Græcorum & Arabū medicina, ad mi-  
raculum vsq; promoueris. Veniam tamē po-  
stulo, si vt meam sententiā persequar, certissi-  
misq; rationibus eam confirmē, nonnulla ab  
vtriusq; præcipue agitata in mediū adduxero.  
Ante omnia itaq; in dolore laterali mittendū  
esse sanguinem, vtriusq; sectæ primores fatē-  
tur: nec parū interesse, hāc ne an illam in mor-  
bis venam incideris, excellētissimorum medi-  
corum suffragijs affirmāt. Dein triplicē san-

guinis euacuationem ex Galeno quoque statuunt, duas quidē sub auersionis nomine comprehensas. Priorem ad longinqua & contraria fieri aiunt, quam reuulsionē Latini, Græci vero ἀντίωσσι, appellant: hac sanguinē aliquō fluentem fluxurumue, in cōtrarium retrahūt euacuantiq;. Alteram auersionis speciem, deriuationē & περὶ χεῖτερος vocant, qua sanguis ex phlegmone obsessa particula, per partē propinquiorem sanam educitur. Tertiā euacuationem, ex ipsamet parte implicita assignant, quæ minimē ad cōtraria perficitur. Fit vero hæc, dū scalpello inflammationū quasdam differentias etiā inter initia incidimus, quæ gangrenæ, phagedenæ, aut carbunculi naturam referunt. Ex illis namq; sanguinē sacrificata patiente particula sæpe extrahimus, addentes quædam aliquando præter partis sectionē hircines, cucurbitulas, aut earū vice cornua cum igne, ne sanguis scilicet in parte coaceruatus, membrique naturam debilitans atq; euincēs, grauissima symptomata inducat: aut si quando maiore ad partē affectā in pestiferis bubonibus fluxū desideramus. Porro duntaxat de duobus prioribus euacuationis speciebus in proposita disceptatione medici pertractant, quum nemo inter morbi initia, affectū latus,



vt in suppuratis diuiferit. Intelligo autē hoc loco per euacuationem, sensibilem sanguinis educationem: non, quæ leuibus cucurbitulis, asperiori frictione, dolorificis vinculis, partis in aquam calidam merfioe, aut calidis emplastris, aut vnctionibus fit, reuulsionem, vel deriuationem. Reuulsionem præterea ad lōginqua peragendam, vtracq; proficitur turba: verum secundi agminis primipili simpliciter ad maximē lōginqua & distantia, ex Galeno in lib. xij. Curatiue methodi, & Hippocratis loco in libro de Humana natura, & Galeni in Arte medicinali, longinquum in reuulsionis definitione intelligendum esse, aduersarijs persuadere student. Quod tamen hi ipsi haudquaquam admittunt, cum Galenus in xij. Methodi eodem loco in incipiente iecoris inflammatione, dextri cubiti interiorē venam, non quædam poplitis aut malleoli, aut etiam sinistri cubiti secandam venam subiunxerit. Insuper Hippocratis eam libri partem esse, cum Galeno inficiantur, & in Arte medicinali Galenū de præseruatione, non autem morbo, aut curatiua artis parte locutum affirmant. Vnde eorum quidam contendunt, tantam ad reuulsionem sufficere contrarietatem, quantam sat esse indicauit Hippocrates in vulgari illo li-

bri quinti aphorismo. Dolenti partem capitis „  
posteriorem, in frōte recta incisa vena, pdest. „  
Vbi Hippocratem de reuulsione locutū Ga- „  
leni testimonio asserūt, suosq; aduersarios tā- „  
quam stolidos demirant, qui ad commodum  
reuulsionis locum, tantam distantiam requiri  
ex Auicenna contendunt, quanta humeri ab  
humero est. Vnde inferūt, sectionem venæ in  
pleuritide cubiti phlegmonem patientis late-  
ris, à reuulsionis ratione nequaquam cadere.  
Quanquā & hi prioris opinionis principes,  
occasione postulāte, in preseruatiua artis par-  
te, externisūre inflammationibus, ad maximē  
distantia (ex vena tamē insigniori) sanguinē  
particulę ægre influentem fluxurumq; etiam  
retraherent. De secunda verò euacuatiōis dif-  
ferentia, parum inter se discrepant. nam vtriq;  
ex parte membro laboranti, ppinqua et sana,  
auertendum sanguinem in deriuatione opi-  
nantur. Propter priorem verò de reuulsione  
controuerſiam, alia inter illos agitur propo-  
ſitio: videlicet, Num reuulsio & deriuatio ea-  
dem secta vena, interdum simul celebrari pos-  
sint. Primi, vt antea quoq; admonui, tanquā  
omnium suffragiis abunde comprobatum, id  
fieri posse affirmant, dummodò fluens fluxu-  
rusq; sanguis reuellendo educatur, ac in parte

leſa collectus,deriuando euacuetur: ac ob id  
in laterali morbo tanquã acuto & ſtatim pe-  
rimente,apta quidem ad hec habita vena,p̃-  
cipuè id faciendũ luculentiffimè p̃bant. Alij  
contrarium aſſerunt,rationes ſuas adducen-  
tes,ac ſi lateralis morbi futuri ſola ſuſpicio ha-  
benda foret,vel quẽdam cruris, aut manus le-  
uis inflammatio acutus ille morbus exiſteret.  
Videmus namq̃ quosdam ex ſecundę ſectę  
principibus,adeò ſuis rationibus irretitos, vt  
tres venę ſectiões in laterali morbo facere  
non vereant. primum pedis venam,q̃ è dire-  
cto eſt, ſecundò oppoſiti cubiti, ac demum cu-  
biti è directo patiētis lateris ſecātes. Quaquã  
in preſenti cõtētione præter alios complures  
Manardum aliàs diligentẽ, nec minus argu-  
tum,mirari ſatis nequeam,qui duas de ſecan-  
da in pleuritide epiſtolas,non quidem p̃fun-  
ctorie ſcriptas, ſatiſq̃ etiam grauiter ab ipſo  
autore probatas, poſteris reliquerit: deinde  
Fuchſium in extirpandis medicorum errori-  
bus ſedulum ſtudioſiſſimumq̃,qui iam quar-  
tò aut quintò de ſecāda in laterali morbo ue-  
na,ſuę ſingularis eruditionis ſpecimẽ propo-  
ſuit:atq̃ ea quę nunc dicā,ex Manardo trãſ-  
ſumpſit. Nimirũ in venę interioris cubiti di-  
recta ſectiõ,nō poſſe in internarũ partium



inflammationibus, reuulsionem ac deriuationem vlllo modo simul incidere, ac nequaquā eam venę sectionem, deriuationē esse. Videtur mihi profectō parum eorum, quæ ipsi doctissime ex Hippocrate & Galeno in mediū adduxerunt memores, atq; suarum de reuulsione ac deriuatione finitionū oblitī. Scribūt namq; ex secūdo curatiue methodi ad Glauconem, in fluētibus quidem adhuc humoribus, reuulsionem, ijs autem fluxionibus quæ iam partem obsederunt, deriuationem medellā esse. Ad hæc, reuulsionem humoris ad longinqua et cōtraria esse euacuationem. deriuationem verò, ex p̄xima loci affecti particula sanguinis educationem. Insup acriter & verissimè cum aduersarijs cōtendunt, venę sectionem, quę in cubito e directo affecti lateris tētatur, ad reuulsionē in pleuritide abūdē sufficere, atq; cum humore adfluēte inflammationi quoq; inhærētem in eadem venę sectione (modò copiosior sanguis p̄fluxerit) uacuari. Quid q̄so aliud id indicat, quàm ea venę sectiōe reuulsionem deriuationemq; fieri: fluentis nimirum adhuc sanguinis reuulsionē, & in parte laborante cōtēti deriuationem. Deinde parum animaduērterūt, dum aduersarijs persuadere conātur eiusdem lateris ve-

ne sectionem ad reuulsionē euacuationemq;  
sufficere, se deriuationis loco, euacuationis no-  
mine semper iuxtā cum Galeno vsos: siquidē  
nihil aliud deriuatio censetur, quā humoris  
particulam obsidētis ad proxima euacuatio,  
quam euacuationis nomine in prædicta ora-  
tione proculdubio Galenus significauit, quū  
reuulsio quoq; euacuatiōis species habeatur.

Sed fortē obijcient, illam humoris in parte  
contēti, post adhuc fluentis euacuationem, nō  
dicendam esse deriuationem, q; ex proxima  
parte sana non celebretur: quoniā ipsi fortas-  
sis absq; vlla limitatione partem propinquā,  
laboranti partī vicinissimā interpretabūtur,  
tamen si aduersarijs alioqui distantem partem  
in reuulsionis definitione maxime remotam  
intelligere vetant. Sanē hac ratione aduersa-  
rijs non modo minus æqui propinquū ad eū  
modum commētantes videbūtur, sed etiam  
sui ex Galeno dogmatis obliti conuincuntur,  
quod profitetur, reuulsionem deriuationēque  
per communes maioresq; oportere venas fie-  
ri. Deriuationem siquidem venæ eiusdem la-  
teris sectione celebrari posse inficiant, differē-  
tes nō aliter ac si solis cucurbitulis, aut calidio-  
ribus emplastris affecto lateri exterius adhibi-  
tis, deriuatio in pleuritide moliēda foret. Cu-  
cubitularum

curbitularum enim vsum, ac calidioris empla-  
 stri impositionem pro deriuationis exemplo,  
 in pleuritide adferunt. Quamquā nec ego so-  
 lis cucurbitulis i iunioribus imbecillioribus-  
 ue corporibus interdum posse deriuari atque  
 adeo reuelli, in pleuritide negauerim: Sed  
 quum meridiana luce clarius sit, in omnibus  
 propemodum totius trunci corporis internis  
 inflammationibus, deriuationem venæ se-  
 ctione celebrandam esse, quam venam quæ-  
 so incidendam in his præscribent, nisi læso  
 membro proximam in parte sana venam?  
 At nulla interiori vena cubiti nunc dictis in-  
 flammationibus vicinior existit: quam ob-  
 rem illam deriuationis gratia incidendam  
 esse, probatum abundè relinquitur. nisi forte  
 externam iugularem, sectioni ob difficilem  
 impacti vulneris conglutinationem ineptis-  
 simam, aut in pectore venam exiguam ni-  
 mis, nec ocyus euacuantem, aperiendam con-  
 tra omnium probatissimorum medicorum  
 sententiam astruere contendant. Rursus quis  
 auersabitur, id quod manifestissimis rationi-  
 bus ad reuulsionem longinquum satis esse li-  
 bi demonstrare videntur, satis quoque ad deri-  
 uationem, parti affectæ vicinum esse: quum  
 nihil ad opportunam venæ sectionē, in inter-



narū partium inflammationib. reperiri propinquius liceat. Sed quorsum attinebat, quicquā de vicinitate ad eius rei corroborationē adduxisse: quum poplitis ac malleolorum sectionem, in coxendicis, renum, vteri, & vesicę affectibus cum Galeno ad deriuationem sufficere verē profiteantur, illiq; euacuationi deriuationis nomē non semel accommodent: nō perpendentes, malleolū ab vtero longius distitum, quā à superiorum costarum interuallo, in cubito axillarē. Porro ne eruditissimos veteris medicinę vindices apud te suggillare videar, hac relicta disceptatione, ipse cōcedā, eodem tempore in eadē venę sectione reuulsionem & deriuationem simul non fieri. Verum quādiu fluens, aut fluxurus adhuc ad læsum membrū sanguis ē vena educitur (quod inter initia potissimum fieri consuevit) reuulsionem celebrari: dum verò in partē dimissus atq; inherens ex eadem vena incisa profluit, deriuationē perfici arbitror. Atq; in tota hac orationis meę seriē, ad eum modum reuulsionis deriuationisq; nomen vsurpaturus sum: Accedit his inter aduersarios disceptationibus, Hippocratis dictio <sup>κρητ</sup> <sup>13</sup>iv a Galeno in secūdo ad Glauconem & aliās sæpissimē recitata, quinetiam alia eiusdem cū priore signifi-

cationis κῶτ εὐθ. Harum vocum rationem ha-  
 ctenus parū animaduersam opinor, ac quēad  
 modum vtriusq; factionis autores eas intelli-  
 gant, indicare esset quam difficillimum, quū  
 nemo vel per transennam, earum reddere ra-  
 tionē aggressus fuerit. Proinde omissis in p-  
 sentia nonnihil illorum contētionibus ac dis-  
 fidijis, quid semp ipse intellexerim, obiter ad-  
 scribam. Primum hanc vocem κῶτ ιζ, quem-  
 admodum κῶτ εὐθ, quas è directo interpre-  
 rantur, secūdum rectitudinem significare in-  
 dubitatum est. Vnde autem desumptę sunt,  
 non adēo constat. Ego ex fibrarum consensu  
 rectitudineq; eas primum deductas reor. Sci-  
 uit enim diuinus ille Hippocrates, venę atq;  
 arterię naturā ventriculi naturę ac intestino-  
 rum, vteri, cordis & vesicarum respondere: ni-  
 mirum ex fibris certis, nō autem vt fors fert,  
 contextā, quibus suas naturales actiones mo-  
 tusq; hęc vasa obire oportebat. Quibus. n.  
 organis attrahendū munus præcipuē concre-  
 ditum videmus, illis rectę & longę fibrę in-  
 sunt quamplurimę, veluti œsophago, ad cibī  
 in vētriculum ex ore attractionem potissimū  
 a summo rerum opifice creato. At quibus in-  
 strumētis excernēdi propellēdiq; facultas præ  
 ceteris familiaris est, ea multis fibris transuer-

brarum Hippocratem iudicasse probabiliter  
astruerem, nulla se offeret, quam non statim  
ad hanc de qua modo loquor rectitudinem  
referri oportebit. Nam si quis rectitudinem  
hanc intellexerit, rectam lineam, sicuti præ-  
sentis negocij ignaro imaginari esset quàm  
promptissimum, fortasse rectitudo à dextra  
capitis parte ad pedem dextrum esset: parua  
autē, aut penitus nulla ad dextram manum.  
Quod si is manus ad crucis effigiem extēde-  
rit, rectitudinem metietur à iugulo ad cubi-  
tum, imò & à dextra manu ad sinistram: sed  
iecoris cum dextro cubito, ac lienis cum sini-  
stre manus extremo, rectitudinem fingere,  
perquàm difficile erit. At verò si forte has re-  
ctitudinis quoq; differentias esse quis conten-  
deret, quo pacto obsecro is rectitudinem in  
angulo totius corporis acutissimo, suisque co-  
stis longissimo statuet? cuiusmodi triangu-  
lus est, cuius primus angulus est supra ossis  
sacri latiue principium, secundus in dextro  
poplite, aut pedis dextri interiori malleo-  
lo, tertius vero in sinistro genu, aut pede.  
Hic namq; triangulus necessario consurgit,  
si dextro pede laborante, in sinistro crure ve-  
nam secueris, aut aliquam interiorē cruris  
partem scarificaueris: ac proinde fingendo



siue deriuationem, siue reuulsionē moliaris:  
 per rectitudinem inquam, fibrarū rectitudi-  
 nem obseruandā, atq; consensum, peritissimē  
 insinuās. perinde ac si secta remotiori, & ob-  
 seruata huiusmodi rectitudine, melior fieret  
 humoris ad partem egram cōfluentis fluxuri  
 ue reuulsio, & diuisa viciniori, præstantior a  
 parte laborante deriuatio. Nemo enim sanæ  
 mētis inficias ibit, in venę sectione naturales  
 facultates, quib. venā toti corpori in sangui-  
 nis administratiōe famulant, torpere, ociosas-  
 que esse: atq; venas ad sanguinis educationē,  
 versus impactū ipsis vulnus, & dolorificā li-  
 gationē & frictionē, aut calētem aquā, suis re-  
 ctis fibris & trāsuersis plurimū auxiliari: po-  
 stemò illā fieri fluxus rationē quam ex dolo-  
 re in inflammationibus Galenus assignat ne-  
 minem latere debet. Hæc enim præter cetera  
 quam plurima ipsius loca, in libro decimoter-  
 tio Curatiuæ methodi de inflammationū ex  
 causa externa generatione, ipsius sunt verba:  
 At quę dolēt, cernuntur ea quoq; phlegmo- »  
 nem ex dolore pati, sed causam eius nō omni »  
 nō assignāt quidā nullo modo probabilem. »  
 Nostra vero sententia est talis. Docuimus in »  
 eo opere q; de Naturalibus facultatibus edi- »  
 dimus, vnā esse naturæ facultatē quam ex »



vena in dolore laterali secanda cōtra Galeni  
sententiā scribere haud veritus est, priusquā  
vel per somniū quidem Anatomē vidisset:  
quanq̃ haftenus vnica dūtaxat, me p̃functo  
ric administrāte, astiterit. Proinde saluo accu-  
rato tuo iudicio, erit mea cū Hippocrate sen-  
tētia, ad foeliciore opportunioreq; uene se-  
ctionem, siue deriuatio siue reuulsio moliēda  
sit, perpetuò venā secūdū fibrarū consensum  
ac rectitudinē incidendā. Huic axiomati, ex-  
actam venæ in thorace distributionē subiun-  
gam, quam ad hunc modū vt plurimū habe-  
ri animaduerti. Venæ cauæ truncus ex iecoris  
gibbo superiora petens, ac septū transuersum  
permeans, duos atq; interdū tres insigniores  
ramos septo cōmunicat. Deinde admodum  
exiguas, ac capillaribus venis simillimas so-  
boles in duas mēbranas thoracē intersepien-  
tes (*σπασματιοντα* Græci vocant) diffundit. Cor  
di verò inuolucro si accuratè dictas mēbra-  
nas ab ipso abstuleris, nullā ferè aut perq̃ exi-  
lem à caua venulam, cōmunicatam reperies.  
Iā cordis basim & ipsius dextrā auriculā ca-  
ua attingens, ex media sua regione in dextrū  
cordis sinū aperitur, ipsiusq; venæ corporis  
portio, illi insinuatur. Hęc priusq; in sinū pla-  
nè desinit, venā coronę modo cordis basim

mutuam participare: sed quod fibræ ad eum modum sint à natura conformatæ, quanquã, vt in sermonis progressu fortasse ostendam, falsum, sit, venam nutrientem nouem, aut decem ( aut si in præsentiarum voles, octo ) constas inferiores vtriusque lateris, cū sinistri cubiti, aut cruris sinistri venis rectitudinem vllam obseruare. Vt corpus quidē vtrinque æquè ponderosum redderetur, geminū natura id esse voluit, ac venę pari carentis tanquã æquilibrium quoddam præbuit, arteriã magnã ad inferiora thoracis propter spinæ sinistrum latus delatam, venam verò dextræ spinæ regioni inniti voluit. Præterea is respuet Galeni sectionē ex dextro malleolo, aut poplite ad sinistrū, Hippocratis ex occipitio ad frontem, quę tamen secundum fibrarum rectitudinem celebrantur venarum sectiones: Insup multo magis incusabit incisionē, quæ in dextrę manus phlegmone ad sinistrã, aut sinistræ ad dextrã celebratur, in qua tamen optima seruatur fibrarū rectitudo atque cōsensus, si in illis corporib. inciderit, in quibus axillares à caua ante magnã in gladio bifurcationem propagantur. Verum res ea dilucidior est, quàm quę plixiori refutatione indigeat, quã citius quis sibi persuaserit, si incon-



basi, autè regione eius quæ in dextrũ cordis  
 sinum vena properat, aut etiã priusquam ca-  
 ua cor attingit, vena sine parì à caua propaga-  
 tur: siquidem & postremum illud, Galenum  
 in dicto nunc commetario, bis indicasse reor.  
 Huic ego de venæ ortu percunctanti, præter  
 oculatam fidem, nihil in rei testimoniũ adfer-  
 re possum. Quantũuis namq; operosè & in-  
 dustriè venæ cauæ diuarcationi animũ ad-  
 hibuerim, perpetuo supra cordis auriculam,  
 venam sine parì, non aliter atq; in canibus ac  
 simijs, in hominibus propagatam deprehen-  
 di. Supra autẽ ita à me dici intelligas velim,  
 ad naturalem auriculæ situm, non autem ad  
 summum eius apicem digitis ad superiora at-  
 tensum. Nec meis tantum oculis fidem adhi-  
 beri postulo, verũ omnibus, qui Luteriæ, Pa-  
 tauij, Louanij, & alibi nõ semel mihi publicè  
 administrati astiterunt, vbi vt verã de venæ  
 sectione scientiam nãsceremur, eam Anato-  
 mes partẽ diligentius sum aggressus. Taceo  
 interim me, in vtriusq; sexus corporibus om-  
 nes costas hac vena nutriti, Patavij in frequẽ-  
 tissimo eruditissimorum spectatorũ cõfessu  
 ostendisse, quum nuper publice mihi demon-  
 strandi secãdiqu; prouinciã demãdata fuisset.  
 Deinde nõ præter rationem, hanc inter cætè

ras venam coniuge carentē, ac sine pari Lati-  
nis, Grecis vero αὐτὴν passim appellat legi-  
mus. Siquidē ita nominari meretur, quod ex  
latere opposito nullam sibi correspondentē  
venam sortitur. quam indubiē haberet, si ē  
regione dextræ auriculę propagaretur: eam  
videlicet, quæ ad dextrum cordis sinum pri-  
net, cui coronalis uena coniunx creditur. Sub  
cordis autem basi, aut priusquā cor caua ve-  
na attingit, eam enasci, nemo vel qui ipse secā  
di munus obierit, vel qui secantem spectarit,  
asseret. Hęc quidem eō induxi, vt common-  
strem hanc supra cordis auriculam venamq;  
in cor dispersam, super quartam & ferē tertie  
metaphreni vertebrę finē a caua etiam in ho-  
minibus productam. Est & aliud circa pre-  
sentis venæ initium non oscitanter obseruan-  
dum, eam nimirū, vt prius quoq; admonui,  
a caue dextro latere enatam, nō autem (quod  
fortē q̄spiam Anatomes ignarus, atq; depra-  
uato Galeni loco in libello de Venarū sectio-  
ne illusos asseret) ex ipsius sinistro, aut medio  
quā spinam caua respicit enatā. Quod si q̄s  
inficiabitur, ob oculos fidelissimos rerum re-  
stes corā ei obiiciam, quibus si orbatus q̄s-  
piam huiusce rei aliud requirat testimoniū,  
is per me vel solo tactus sensu euadet certissi-

mus modò secāti mihi haud dedignetur as-  
stere, vel præstantissimorū virorum iudicijs  
assentiri non detrectet. Ceterum miraberis  
forsitan, cur adèò religiose de venè huius or-  
tu disceptē? Nō ob aliud sanè, quàm vt nouē  
& aliquādo decem inferiores vtriusq; lateris  
costas, ea nutriri mihi annuas, illamq; à vene  
cauē dextro deductam largiaris: præsertim  
quū norim, non ad manum ilico corpus hu-  
manū fore, ex quo hæc ( si absurdiora duxe-  
ris) contēplari queas. Adde & meę proposi-  
tionis robur, hinc imprimis desumendū. Sed  
ad reliquas venæ cauæ soboles reuertamur.  
Vena caua postquā hanc sine pari distribuit  
venā, sursum ad glandiū properat, vbi mox  
bipartita in duos truncos finditur. Dexter  
(idē de sinistro intellige) venā producit pri-  
mę costę innixā, ac sub clauicula ad axillam  
procurrentē. Ad huius originem à caua ve-  
na ad tres supiores costas dextri lateris, vena  
diffunditur, adèò exigua, vt subinde visum  
effugiat, imò sepius ipsam deesse repies, quū  
paruis illis costis ab axillari ipsis incūbente  
abunde nutrimenti frequenter suppeditetur:  
Truncus hic, post harum venarum distribu-  
tionē sursum conscendens, internā dextram  
iugularē, & ad trāsuerfos vertebrarum colli



processus pertinētem venam à se deriuat. Reliquum autem eius in externam iugularē, cuius ilico humeraria soboles est, finitur. Verū in gladio, vbi paulo ante dicta fit bifurcatio, duę enascūtur venę, ad vtrinq; pectoris ossis latus, vtrinq; vnā procurrētes: a quibus pectori mammillisq; alimētum præcipuē administratur. suntq; eę, quę cum vteri venis sub rectis in abdomine musculis coeūt. Nutriunt itaq; vniuersum thoracē, vena parís expers, duę ad trium superiorum costarum interval la, & duę ad pectoris os delatę. At quemadmodum etiā in nostris dissectionū tabulis adnotauimus, hæc in gladio magna cauę bifurcatio, subinde post axillariū venarū propagationem, primum conspicitur. Iam quid Galenum mouerit, cur obscurius, & secum eodē loco pugnans, venę absque pari in hominibus, quàm cęterarum corporis venarum mentionem fecerit, ac quamobrem venas in propria de venarum tractatione prætermittas, ferre *παρεγγυος* alibi recensuerit (si modo de ipsius oraculis dubitare fas sit) subiungam. Legitur quidem in secundo Hippocratis libro de Vitis ratiōe in morbis acutis, Aphorismo decimo, ad hūc modum. Quum ergo ad iugulum dolor extenditur, aut grauitas vel brachium,

chium vel mammillam, aut partes quæ supra ,  
 transuersum septum sunt, dolor affligit, inter ,  
 na cubiti vena secanda est. Dein paulo post  
 Hippocrates subiecit. At si partes quæ sub trās ,  
 uerso septo sunt, dolor infestat, sed ad iugulū ,  
 non ascendit, tū vel nigro veratro, uel peplio ,  
 alius ducenda est. Præsentem Aphorismum  
 Galenus commentatur, ac si Hippocrates præ  
 cepisset, phlegmone in laterali dolore costas  
 superiores affligente, sanguinis missione vtē  
 dū esse. Quando verò in costis inferioribus  
 inflāmatio hominem cruciat, medicamento  
 purgante esse subueniendū. Perquirens igitur  
 Galenus causam, quapropter deſcientis  
 medicamenti potius, quàm sanguinis missio  
 nis usum prætulisset Hippocrates, venarum  
 distantiam arguit, ac suam ferè sententiam ad  
 tritum nostrorum medicorum placitū refle  
 xit, quo docetur, sanguinem prauum ex loco  
 affecto per partem nobiliore minimè trahendū:  
 quasi uenæ interioris cubiti sectione, per  
 cordis regionē ex inflammatione nothas in  
 ferioresq; costas occupante, sanguinem trans  
 uehi necessum foret. Cæterum Galenus hæc  
 parū efficacia perpendens, quantumuis Hip  
 pocrati contradicere religiosissimè semper ca  
 uerit, tandem tamen tacite subiecit, quod post

ea AEgineta apertius explicuit : nimirū venę  
sectione potius quā purgante pharmaco  
vtendū esse propter eam quam medicamen-  
tum purgans adducere consuevit perturba-  
tionem: quodq; semel exhibitum medicamen-  
in manu, quemadmodū incisam venam, non  
teneremus. Atque ita, qua potuit summa mo-  
deratione Galenus se repressit, vt quā mini-  
mū ab Hippocratis sanctione recedere uide-  
retur. Quod vt fieret facilius, ad eum quem  
dixi modum, de vena sine pari pertractauit,  
scopum dirigens, quasi vena coniugis expers,  
ab incidendis venis plus æquo distaret. Hanc  
contra Hippocratem sententiam præstantissi-  
mi quicq; mediocrū amplexantur, atque utri-  
usque sectę autores in eam quoq; cū Galeno  
descendunt. Quamuis non ignorē, quosdam  
Hippocratis verbum *εὐρυβόλον* de humoris po-  
tius ad superiora affluxu, quā de doloris ex-  
tensione, perperam interpretari. Liceat igitur  
(oro) me, affectu non nihil seposito, Hippocra-  
tis dictionem apud te summū veritatis ama-  
torem, examinare: siquidē vniuersum ferē la-  
tus à clauiculis ad ilium ossa usque, ab Hippo-  
crate intellectum mihi persuadeo: vt in priori  
quidem periodo, partem lateris duodecim co-  
stis interseptam, posteriori vero, quod à septi



transuersi orbiculo infrà ad ilium os vsq; pertinet, Hippocrates idicasse videatur. Agit enim de tenliui doloris extensione productioneq;, non autem de phlegmones atque doloris pūctilis regione. Et in quacunque tunicae costas succingentis sede inflammatio substituerit, certissimum est tensionem ad iugulum ac clauiculas vsque ob consensum necessario percipi. Nouimus quippe in iecoris inflammatione, ad iugulum vsq; tensionē molestare: non alia profectò ratione, quàm quòd septo transuerso iecoris grauitate deorsum protenso, superior eius membrana à tunica costas succingente enata, simul protendatur, atque ita per consensum totius succingentis tunicae dextra pars, tensionis sensu, ad iugulū vsque infestetur. Impossibile enim est, membranam angustiores ac duriorē, naturaq; maximè protensam, aliqua sui parte vehementius ex inflammatione prætendi, quin vniuersa tensionis participes ilico efficiatur. Quòd uerò in secūde periodi initio dixerit, *ὕπὸ τῆς φρένης*, non autem *μετὰ τῆς φρένης*, an ne quod proposui confirmat? eam enim orationem sub septo transuerso significare, neminem latet. Verū qualiter inferiores costę subiectæ dici mereantur, vix satis assequor. Nam septum transuersum à fine os

sis pectoris, vbi in mucronatam cartilaginem  
 desinit, principium sumens, ac paulatim spu-  
 riarum costarū finibus annexum, tandem ad  
 thoracis vndecimā vertebram iuxta duode-  
 cimæ uertebræ principium pertingit, fortissi-  
 misq; ligamentis illis & primis lumborū ver-  
 tebris annectitur. Quare si hominē ambula-  
 re, sedere, aut stare imaginemur, nulla prorsus  
 costa septo subiecta erit. Verū si quis homi-  
 nem supinum procumbere voluerit, idq; sub  
 septo esse contēderit, quicquid infra vertebrā  
 è regione superioris septi exortus locatā posi-  
 tum est, illi idem Sub, quod è regione, necessa-  
 riò denotabit. Quamquā nec ita præter duas  
 tres uel uertebras cum suis costis sub septo ali-  
 ud foret. Septinamq; superius initium, è regio-  
 ne nonæ vertebræ thoracis esse, coniectura as-  
 sequor. Quamobrē ad hunc modum Hip-  
 pocratis oraculum intelligens, necessariò cō-  
 muni sensui derogabit. Præterea ex Galēi sen-  
 tentia sequeretur, Hippocratem duntaxat in  
 quatuor superiorum costarum inflammatio-  
 ne sanguinis missionem præcepisse, quum ex  
 ipsius sententia, octo vtriusque lateris costæ  
 venæ sine pari ramis nutriantur. Cæterum si  
 Hippocratis Aphorismum ad meam senten-  
 tiam accommodauerimus, tunc demū vena-

rum distantia locū habitura est, ob quam forte venę sectioni, medicamentum purgans esset præferendum. Lumbis namque sub septo transuerso proprię locatis, a venis secandis nihil remotius in corpore dissitum imaginari licet: adde illis exiles venulas, non quidem magnas, quemadmodum ventriculo, lieni, renibus, vtero, uesicæ, alijsq; visceribus esse a natura cōmunicatas. Deinde vicinissimi sunt lumbi ventriculo & intestinis, ob idq; faciliorem medicaminum futuram actionem, nemo inficiabitur. Postremò si venarum distantiam ex Galeni sententia ad Hippocratis excusationē argueremus, iecore, liene, ventriculo, renibus & vtero phlegmone obsessis, non mittendum esse ex Hippocratis præscripto sanguinē colligeretur. Ad huius, sententię firmiter robur conciliandum, aliquot Hippocratis Aphorismos ex Aphorismorum libris adducere, nisi mihi cum singulari tua medicinæ cognitione res esset. Nec me monet, quod contentiosior quispiam forte obtrudet. si lumborum seu iliū dolorē sub pleuritide cōprehendero, me pleuritidis voce abuti. Cui respondebo, id morbi nomen ex eorū esse genere, quæ a loco affecto primā impositionem sumpserunt, cuius generis est nephritis, peripneumonia, ophthalm




mia, coxendix: significabitq; mihi id nomen  
 pleuritis, vniuersi lateris affectum, non autem  
 solius costas succingentis membranæ. Veluti  
 pleriq; opinantur, eam membranam barbarè  
 pleuram vocantes. Præterea id nomē a costis,  
 quæ etiā quod latus constituunt, πλῆυξι nun-  
 cupantur, nequaquam primam impositio-  
 nem assumpsit: quum ueteres Latini scripto-  
 res pleuritidim dolorem lateralem, potius  
 quàm costalem appellant. Hæc quidem eò  
 refero, quòd Galenū de ea vena obscure scri-  
 psisse, ad marginem mearum tabularum in-  
 dicauerim. vt que Hippocratis sententiam fu-  
 isse ostenderem, in quacunque costas succin-  
 gentis membranæ parte, phlegmone infe-  
 stauerit, venam potius secandam. quàm pur-  
 gans medicamentū porrigendum. Sed ne ui-  
 dear hæc anxie nimium apud te excutere, ad  
 rem reuersus, principio pedem cum prioris se-  
 ctæ autoribus (equibus & tu vnus semper ex  
 titisti) conferam: qui ē directo affecti lateris ve-  
 nam inter inītia in cubito secandam præscri-  
 bunt. quorum præcipuas sententias & axio-  
 mata mihi tanquam optimè uerissimè que ab  
 illis Galeni aliorum que præstantissimorum  
 medicorum autoritatibus, atque ad eò opti-  
 mis rationibus probata assumam. Est igit-

tur vobis firmissimum theorema, ex eadem vena reuulsionem & deriuationem posse fieri: quod est, constantibus ægri viribus, vna sectione posse fluentem humorem ad longinqua reuelli, atque adeò euacuari, & iam in inflammatione contentum sanguinem per propinquum deriuari, ac simul educi. Quum hæc interdum licere ostendistis, adiicitis postea, id maximè in laterali dolore præstandum esse, quum is morbus tam acutus perimens que sit, vt duas illas euacuationes simul ilico expetat, neque vt illas intermissis vicibus celebres euacuationes, inducias præbeat. Addam & venam cubiti è directo lateris affecti, satis ad solam reuulsionem dissitam: si forte illam duntaxat, ob virium imbecillitatem, adhuc fluente sanguine, exequi cogeremur. Deinde ad deriuationem, nullam ea quæ laboranti lateri è directo est, viciniorè ad commodam sectionem reperiri existimatis. Postremo vtrunque auersionis speciem secundum fibrarum rectitudinem atque consensum faciendâ, superius abunde demonstrauimus. Ex his inducetur, si quis corpore plethorico ac succorum abundantia laborante, viribus utcunque robustis in superiorum trium costarum partis dextræ aliqua phlegmone corripia-

tur, illi sanguinẽ inter initia ex dextra axillari  
educendum, donec vel rubicundior multo,  
vel pro puro rubidoq; liuidus effuxerit: utrũ;  
que enim accidere testatur Hippocrates. Si ue  
ro in sinistris costis superioribus inflãmati  
constiterit, aperietur intrepidẽ pari ratione, si  
nistra axillaris. Atque hæc omnia tecum con  
fiteor. Verum vt negociũ dilucidius paulo  
ob oculos collocem, venas thoracis obiter deli  
neabo, quo mathematicorum more rem ag  
grediamur.





In hac vera, quamuis rudiori figura, A litéra significabit nobis venam axillarem dextrarum, ad cubitum vsq; deductam, ibiq; abtruncatam: B sinistram axillarem, C magnā in glandio aut iugulo bifurcationem denotabit. D & E ambas venas ad anteriora thoracis sub pectoris ossē perreptantes. F uenulam nutrientem tres costas superiores latetis dextrarum. G venam alētem tres elatiores costas sinistras. H venę cauę truncum planē dissectum, vbi dextram cordis auriculā caua tangit, atq; in cordis sinum dextrum ingreditur. I venā sine pari ex caua natam. K, K, &c. nouem ramos venę absq; pari, nutriētes nouem costas dextras. L, L, &c. soboles eiusdem venę nouē humilioribus costis sinistris alimentum supeditantes indicant. M verò, dictæ nunc venę finem, qui per inferius septi foramen, per quod arteria delabitur, ad lumborum vertebrae vsq; excurrit. Age igitur laborante F, se cabo A: ea siquidem sectione sufficientē contrarietatem, & distantiam, & fibrarum rectitudinem, atq; demum vicinitatem seruaturus sum: ob idq; opportunē reuulsurus, ac simul deriuaturus, dummodo vnā fluentem, adhuc in partem læsam sanguinem, & iam parti affectæ inhærentem eduxero. aut si fluentem

duntaxat euacuauero, solum reuulsurus. Sic pari ratione, si G phlegmone affligatur, recurram ad B. eadem, quæ sectione venæ A, laborante F, præstiturus. Similis quoque de pectoris venis ratio est. nam D laborante, aperitur A. E vero inflammatione implicito, secatur B. Atque tecum actenus consentio: imò amplius, si laborauerit I, aperiam venam A. Sic si aliqua partiū intercostalium denotatarum per K inflammatione corripī cœperit, incidendā dico A. Nam A, cum illis, seruat rectitudinē, & satis ad reuulsionem distat, nullaquæ vena gratia deriuationis vicinior opportunè sectioni offertur. Verū in quo abs te discrepem, ita habeto: si venarū aliqua significatarū per L, hoc est decem inferiorum costarum, intercostaliū partiū quæpiā phlegmone implicetur, nonne vestrorum achilleis rationibus confirmatorū axiomatum obliti, secabitis venam B, hoc est sinistrā axillarem? arbitrati nimirū, fibrarum rectitudinem consensumquæ vos obseruaturos, atque viciniorē venā incisuros? Oportebit mehercule vos ad hæc animaduertentes, non B sed A secare. Nā sanguis impactus in L, nusquā nisi ad I deduci poterit, cū quo oīa L fibris consentiunt, atquæ vicinissima existunt. Sed laborante I, aperit A: ergo & affli-



cta aliqua venarum L, referanda est vena, A  
 modò reuulsionē, aut deriuationē solam, aut  
 simul vtrunque moliri ex alterutro brachio  
 propositū fuerit : quū vtramque auersionis  
 speciē per fibrarū, vt ostendimus, consensum  
 atque rectitudinē celebrare oporteat, qualis  
 nulla est L cū B. Præterea vicinitas ab L ad  
 B, quę in deriuatione potissimū spectatur, nō  
 tanta est, quanta L ad A. quandoquidē I, p-  
 pinquius A esse videmus, quā B: ergo etiā  
 L vicinius necessariò est A, quā B. Ex his  
 itaque propositis sequitur, siue ex brachio re-  
 uellere & deriuare simul visum fuerit, siue dū  
 taxat in imbecillioribus viribus reuellere, &  
 deinde post aliquod tēporis interuallū deriua-  
 re studuerimus, semper diuidendā esse dextri  
 cubiti axillarē. Nisi fortē aliquā triū superiorū  
 costarum sinistri lateris, inflāmatio molesta-  
 uerit. Tunc. n. sinistram axillarē vnā tecum  
 aperiendam suadeo, vt ea sectione vicinitas  
 rectitudoq; obseruentur. Porro si prioris se-  
 ctę aliquis, in homine imbecilliori eodē tēpo-  
 re & reuulsionē & deriuationē celebrare ob-  
 deiectas egri vires recusauerit, ob idq; ad solā  
 reuulsionē, pedis venam secandam arbitre-  
 tur, is semp in dextro poplite externòue mal-  
 leolovenam secabit, nisi aliquam trium supe-

riorum costarum lateris sinistri, phlegmone infestauerit. quod absque longiori demonstratione, te facile ratiocinari non dubito. Nam is medicus huiusmodi sectione distantem procul venam aperiet, & fibrarum rectitudinem consensumque obseruabit. Quauquam tunc parū referre arbitror, siue externi siue interni malleoli venas aperiat, quantūuis fibræ exterioris malleoli cum vena sine pari magis cōueniant. Nam quum vtrunque euacuationis per auersionem genus, per communes maioresque venas debere fieri omnibus in confesso sit, poplitis venam longè ad cōmodam sectionē prætulerim, à qua medicos ob tonsorum imperitiā hodie prorsus manum abstinere videmus. Nos illam scilicet nō maiori negotio, quā axillare, aut humerariam in cubito, iam sæpius aperuimus, & elegans sanguinis fluxus subsecutus est. Nec tecū hic disceptabo, nū ad solam reuulsionē, ob imbecilliores ægri vires à deriuatiōe abstinere, coacti, potius dextram axillare, quā dextri poplitis venam, secare ex usu sit, quū vtrunque quæstionis membrum optimis argumentis ac rationū adminiculis corroborari queat. Equidem non vereor, diuersis innixus ratiōibus optimisque demonstrationibus adiutus, modò hanc modò

illam aperire venā. At verò si apud te euideo, rarissimè sinistri lateris tribus costis superioribus, inflammationem in dolore laterali subsistere, id quod à me petieras: abūde apud te corroboratū arbitror, quod posteaquā cum alterius sectæ principibus succinctissimè egero, obiter subnectā. Vt itaq; eos ocysus à mea sententiā reiiciā, ipsosq; suis principijs nequaquā insistere luculenter ostendā, ad venas thoracem nutrientes suprà depictas recurrendū est, & ipsorum principia tanquam vera, disputationis ergò assumenda: quę ferè sunt huiusmodi. Humori ad partē agrā fluēti, aut fluxuro, debetur reuulsio, quæ secundū ipsos est euacuatio ad maximè distantia. Humori verò in particula agra coaceruato inherentiq; cōpetit deriuatio, hoc est, humoris ex loco affecto per proximum membrū sanum auersio, ob id quæ euacuatio. Deinde subiungunt: quū hæ euacuationis species in omnibus vitijs ex fluxione obortis conueniunt, necessariò quoque eas in inflāmatione pleuritidis, ex vsu censendas esse. Sic tñ, vt ante omnia adhuc sanguini fluenti quidē, atque affectū augenti reuulsione, in parte autē laborante collecto, deriuatiōe, interposito tēporis intervallo, prospiciatur. Proinde reuulsuri, op-



positā venā impliciti lateris, in cubito secant,  
deinde post tēporis aliquā intercapedinē, eā  
quæ è directo lateris affecti est, parū per Iouē  
eorū quę proposuerunt memores: quū vtri-  
usque pedis venæ, & ambarū manuū hume-  
rariæ remotius, quā axillaris oppositi cubi-  
ti, ab inflātionis loco dissitæ sunt, nec illæ  
tardius ac minus inſœliciusq̃, quā hæc è cor-  
pore euacuant. Vt itaque res clarior euadat,  
proponamus adolescentē corpore, sanguine  
turgido, integris viribus, dextrī lateris inflam-  
matione correptū: huic ipsorū aliquis statim  
mittendū sanguinē ex sinistra axillari præscri-  
bet. altera verò die, aut quando fluxū consti-  
tisse arbitrabitur, dextræ manus iecorariā di-  
uidet. Sit itaq̃ inflammatio in aliqua venarū  
F, primum aperient B, vtpote venam magis  
distantē quā A. deinde deriuaturi, & tanquā  
proximiorē venam incisuri diuident A. Sic  
quoq̃ si G. primū A. Quinetiā si aliqua ve-  
narū nouē costarū inferiorū sinistri lateris, in-  
flāmatione occupetur, hoc est L, aperient ilico  
A, deinceps B, suorū principiorū turpiter obli-  
ti: quū inter initia remotior, quæ est B, nō au-  
tē A, quæ propinquior vena est, ex ipsorum  
arbitrio diuidenda erat. Vt interim hic de fi-  
brarū rectitudine nihil addam, p̃sertim apud

eos, quos distantia vicinitasq; plus satis coar-  
guat atque conuincat. Nā I longius distat à  
B, quā ab A. sed sanguis ab L, non potest edu-  
ci aliò nisi per I: ergo necessariò in sanguinis  
missione, L vicinius est A, quā B. quod ex  
præcedenti figura conspiciere quā facillimum  
est. proinde ne in illorū nugis refutandis diu-  
tius hæreā, ipsis ex falsis suis principijs, huius-  
cemodi axioma introduco. In quacuncq; late-  
ris parte, in thorace, sit inflammatio, exceptis  
triū superiorū costarū sinistri lateris duobus  
interuallis, diuidendam primū esse axillarem  
sinistram, deinde dextrā: quoniā ante omnia  
remotior, ac deinceps vicinior, ipsis in pleuri-  
tide secunda putatur. Aut quibus harū partiū  
primoribus, pedis sectio magis quā contra-  
rii lateris inter initia probatur, dicam, perpe-  
tuò dextri pedis venā primum, deinde dextrā  
axillare aperiendam: nisi duo dictarum costa-  
rum interualla, in inflammatione corripiantur.  
Sed fortè hi obstrepent, quid nos tantillam cu-  
ramus à te adductam in tanta distantia vici-  
nitatē? vt interim surda aure prætereāt, quod  
de fibrarū rectitudine egimus. atque hoc etiā  
prioris sectæ autores, fibrarum negantes recti-  
tudinē, in medium adducere possent. Cæterū  
vtriusq; respondebo, mihi maiore cōtra illos  
vicinitatem

uicinitatem cordi esse, quàm illis minorem aduersus suos aduersarios, contrarietatem. Dicant quæso, an ne pro distantia mediꝝ pollicis, hæc nus tam anxie & aniliter digladiatum est, totqꝫ inter primos nostrę ætatis viros subortę simulationes diffidiaqꝫ: me verò præter fibrarum re ctitudinem, maiorem uicinitatem, in medium adduxisse? Sed ipsorum uesaniam absqꝫ omni negocio, dummodo venarum tabulam adhuc semel intueri lubeat, indicaturus sum. Sit itaque inflammatio in D, aut in E. aut in F, aut in G. aut in K, aut in L: hoc est, in quacunqꝫ thoracis parte, in locis tamen è regione sibi cor respondentibus, distantia vnus inflammatio nis ad A, aut ad B alterius uicinitatem latitudine tantummodo mediꝝ pollicis superabit. Verum vt particularius loquar, sit inflammatio in F, ipsum A non uicinius est F, quàm venæ B, nisi media latitudine uenę cauæ. quod liquidò constat, si animum quis ad uenam cauam in iugulo intenderit. Necessè siquidem est, sanguinem ex F fluere ad C, hoc est iugulum, deinde ex C ad A, aut B, prout nimirum hæc aut illa vena incidatur. Coëterum id ad deriuationem tantum relatū videretur, in qua partis affectæ cū incisa vena uicinitas potissimum spectatur. Age itaque distantiam propter reuulsionē cōsideremus. Si venarum F aliqua inflammatione



corripī cœperit, arbitrabuntur se remotius longē  
 venam incisuros, si B aperiant, quā si A:  
 quum tamen à quocunque puncto venarū F,  
 nō remotius diffitū sit B, quā A, nisi media  
 latitudine venę cauę, quę in glandio in viro  
 naturalis constitutionis pollicis latitudinē for-  
 tasse sortitur. Verum hanc vicinitatem distan-  
 tiamq; vel mente captus, post exquisitā vena-  
 rum cognitionē deprehendat. Quamobrem  
 nisi vtriusque hæreseos autores, fibrarum in  
 vtraque auersionis differentia seruandam re-  
 ctitudinem atque consensum fateantur, ipsos  
 hæcenus de lana caprina asiniq; vmbra rixo-  
 se disceptasse, quis ignorat? quod tot chartarū  
 & olei dispēdio aduersarios, aut distantia, aut  
 vicinitatē mediꝝ pollicis obseruandā, in sesqui-  
 cubiti, aut duorū, nonnunquam & trium cubi-  
 torū lōgitudine, docere ad nisi fuerint, quamq;  
 peritus manualis artifex, tantam distantiam  
 aut propinquitatem in venę sectione, etiam si  
 volet triplicem, pensaturus sit. Nihil. n. obsta-  
 re obseruauī, siue supra cubitum axillarem di-  
 uiderem, aut sesquipalma sub cubiti articulo  
 incisionem tentarem, dummodo fluente san-  
 guine, alteram mediarum digito comprime-  
 rem, ne ex humeraria quoque sanguis efflue-  
 ret. Imò cum meis commilitonibus in præce-  
 ptorum nostrorum ægris, vsus experientiæq;

gratia, duas sectiones in ramis axillaris venæ sub cubiti media regione aperuimus, quum remotiori in cubito vena secta, sceleriter et copiose sanguinē vacuare studeremus. Hinc profecto, si sola distantia, aut vicinitas propolite disputationis de secāda vena cubiti in dolore laterali scopus esset, quācūq; etiā thoracis partē inflammatio inualisset, huius ne an illius cubiti venā inciderē, ne pilo quidem redimerē. Anne itaque nobile illud Hippocratis de fibrarū rectitudine ac consensu dogma respuētes, pulchrè inter se conuiciari & canū more oblatrare, tibi videntur: adeò sane, vt publico edicto in Hispania metentibus, venæ sectione è directo affecti lateris interdictū fuerit. Post longas enim Salmanticæ habitas hac de re disputationes, qui succubuerunt apud illustrissimū Hispaniæ senatum (vt scribis) cōquesti sunt, non minorē humanis corporibus venæ sectionem quæ è directo sit perniciem adferre, quàm mortalium animis Lutheranorum schismata. Cuius equidē rei euentum quàm auidissime expecto, quæq; sit futura hac in lite sententia: num Cæsarea Maiestas id ratum habere confirmariq; volet. Vobis siquidem in Liguria pacem tractantibus, suo illi præiudicio tantis, vt aiebant, malis obuīam processerunt, donec vos Hispaniæ *αρχιαιτροι* hac de re ex vestro arbitra-

tu statuiffetis . Certiorē interea pater meus me reddidit, quosdā apud inuictissimā Cēsarīs clemētiam supplicibus libellis id strenuē egisse, vt sublimi autoritatis suæ p̄rogatiua ipsorum decreta atque sententiās velut vallo tutissimòque p̄sidiō aduersus antagonistarum impressiōnes munirent. quibus vel ob hoc minime indulgebit, neque de suo concedet iure, quòd tristem sanè Principis Pedimontani obitum alta mente repositum etiam nunc conseruet: quem medicos venam in cubito oppositi lateris secantes interemisse, aulici clanculum obmurmurant. hos enim reuellere studentes, & modicum ( vt deriuationi sanguis reseruaretur ) euacuantes, ex simplici vt vocant pleuritide, duplicem induxisse ferunt : haud perpendentes, viro Principi longiori vita digno, plus noxæ huiusmodi sectione inductum fuisse, quàm si ipsis vocatam heresim illi inspirassent : quum huic forte sua suadela sacerdos aut monachus quispiam, illi ne totus quidem diuinus Asclepiadum chorus mederi potuisset . Da operam interim oro, ne tuorum collegarum sententię cedas: quin potius tot Italię Germanię & Galliæ eximie eruditionis viros, Cæs. Maiestati propone, qui discussis veteris inscitie tenebris, è directo affecti lateris secandam venā arbitrantur. Quod te conaturum haudquaquam diffido, qui vnus



regni Hispaniæ primariorum sis medicus, & Hispanorum illustrium amantissimus. Aliter fortasse, vt rem sedulo promoueres, refractarius quispiam horreretur: arbitratus, nihil esse inter res mortalium peruersis medicorum præceptionibus, humano generi exitius, aut damabilius. Quod festiuiter admodum, nostrorum professorum facetissimus quidam in medicorum comitijs non ita pridem proposuit. Erat Heluetius sacrificus, medicinæ insignia Patauij ambiens: verum quum ea ob hominis imperitiam (nunquam enim vel à limine medicinam salutarat) ab alijs professoribus, grauissimis in eo negocio censoribus recusarentur, aiebat ille pro sacrificio certans: cum Heluetiorum gentem nobis infestam esse omnes cognoscant, quid quæso illis tum capitalius, tum perniciosius à nobis proficisci posset, quàm si impune ipsos interficientem apostatam aliquem splendido insignitum titulo, ipsis condonare studeamus? Sed vt colophonem disputationi adijciam, superest ut demonstrem, duo trium superiorum sinistri lateris costarum interualla, rarissimè phlegmone infestari. Afferunt medici ad vnum omnes, inflammatione potissimum eam partem corripì, quæ rarior, laxior & maior est, quæ plures grandioresq; sortitur venas, quæ ceteris imbecillior, atque multo magis

si nobilioribus partibus vicinior fuerit. Omnia verò hæc mediarum costarum interuallis, id est quintæ, sextæ, septimæ & octauæ inesse, quis inficiabitur? In his enim costis, membranam ipsas succingentem, non adeò vt in inferioribus superioribusq; costis annexam, ideòque facilius abscedere, ex Anatome liquidò constat: quare ea pars rarior & laxior necessario censenda est. De magnitudine nihil attinet dicere, quum vna quæ ordine sexta est, ferè duabus superioribus maior & longior existat.

Quòd quidem pluribus, iisque maioribus abundant venis, præter sectionem ratio quoque suggerit. Magnis enim corporibus, magna quæ alimentum subministrant, debentur instrumenta. Deinde ceteris costis has imbecilliores esse, hinc conficitur, quod in eodem genere partium illæ robustissime censentur, quibus maior vsus actio conceditur: quæ magis superioribus inferioribusque quàm medijs costis obtigisse, nemo negauerit, qui inferioribus quidem septum transuersum, totius corporis nobilissimum musculus, viderit annexum: superioribus vero multos insignes musculos, qui cum medijs costis nequaquam communes sunt. Quum vero imbecilliores cordi pulmonibusque viciniores existunt, non mirum est, ipsas citius cæteris fluxionem suscipere,

atque adeò phlegmone tentari. Adde in pleur-  
ritide, dum sacculos & emplastra affecti loci  
cognoscendi gratia medici quidam accommo-  
dant, circa mediam thoracis sedem potissimum  
exiccare, atque egros in laterali morbo pun-  
ctilem dolorem circa lateris medium sentire,  
qui phlegmones regionis certissimus est index.  
Tensionem namque quæ in iugulo percipitur,  
non moror, quum illam quavis etiam mem-  
branæ costas succingentis parte tensa, in iugu-  
lo sentiri, antea demonstraui. Experien-  
tiam, vt ipse nosti, ad præsentis negotij corro-  
borationem, nullam adferre debeo: quum hac  
mea ætate paucos hæcenus eo morbo impli-  
citos, nisi cum præceptoribus inuiderim. om-  
nes tamen quos verè eo morbo vexari conie-  
ci, circa medium potissimum lateris affici ob-  
seruaui, & nunquam circa iugulum puncti-  
lem dolorem ægros percepisse animaduerti.  
Nec arbitror inflammationis corpus latius ex-  
tendi, quàm ad duo intercostalium partium  
interualla. & si fortè plura interualla affici si-  
mul quis dixerit, subiungam, in tribus superio-  
ribus costis sinistris solam inflammationem  
nequaquam subsistere, sed vnà & inferiores  
partes ab ipsa infestari. Quare & tunc non mi-  
nus verum erit, inflammationē in venis G, quæ  
aliquibus L existere: atque idcirco ambigam



uane sectionem medico in superiorum illarum  
costarum inflammationibus occurrere, necessa-  
riū est. Proinde prioris sectę principijs, apud te  
minimē probandis innixus, sub nectam. IN  
OMNIBVS LATERVM THORA-  
CIS. AVT VERTEBRARVM ME-  
TAPHRENI INFLAMMATIONI-  
BVS SI SANGVINIS MISSIONEM  
AFFECTVS PRAESCRIBAT, SE-  
CANDAM ESSE AXILLAREM  
DEXTRAM: id quod probandum mihi  
assumpseram. Ad hanc meam à nemine prius  
excogitatam de vena in pleuritide secanda sen-  
tentiam, adniterer Hippocratis oraculum in fe-  
cundo de Victus ratione morborum acutorū  
pertrahere, nisi manifestissima Galeni autoritas  
reclamaret, de qua nō minus ferē ambigere ve-  
reor, ac si in nostra sanctissima religiōe, animarū  
immortalitatem tacitus in dubium vocarem.  
„ Scripsit quidem in eo lib. Hippocrates. Quum  
„ ergo ad iugulum dolor extēditur, aut grauitas  
„ vel brachium, vel mammillam, aut partes quæ  
„ supra transuersum septum sunt infestat, interna  
„ cubiti vena secanda est. Hunc Aphorismū ge-  
nuinum esse Hippocratis, cum Galeno affirma-  
rem. at eum qui in iij. lib. de Ratione victus in  
morbis acutis legit, vbi ē directo lateris affecti  
venam secandam autor eius libri pponit, Hip-

pocratis non esse, quēadmodum nec totum est  
librum assererem: deinde eam sententiam ( vt  
plurimas eius libri alias ) Hippocrate indignā  
censendam ducerem: quod Hippocrates dextrā  
axillarem secandam in secundo libro precepe-  
rit. Quid obstiterit obsecro, quo minus fide te-  
nendum sit, Hippocratem breuitatis studiosis-  
simum ita locutum, vti & apud Græcorum &  
Arabum plerosque, & in omnibus nobis ho-  
die receptissimum est? Nam Galenus alioquin  
perpetuò se ipsum explicans, Paulus, Aetius,  
Alexander, Oribasius, Rhazes, Auicenna,  
& cætera Arabum cohors venam axillarem,  
communem, humerariam secandam subinde  
hortantur, non adiungentes dextram, quum  
eam tamen aperiri certissimò velint. At quum  
ex sinistra aliquam secandam præscribunt,  
nunquam non sinistri cubiti, aut pedis sinistri  
adiungunt. Præterea in legitimis Hippocratis  
libris nunquam dextram additam inuenimus,  
nisi ad certissimam sinistrae distinctionem,  
quum tamen ipsum dextram indicasse in com-  
perto habeamus. Adde & nostros hodie me-  
dicos, aduenarum incisores imperitissimos af-  
fectuum ac morborum homines scribere, Ape-  
riatur basilica, mediana vel cephalica, ad qua-  
tuor aut quinque vasa: vel ( vt alij ) ad nouem  
aut decē vncias, quum tamen dextram, nō qui-

dem sinistram, diuidere in animo conceperint:  
 Adijcerem sanè plura, quæ hanc meam senten-  
 tiam stabilirent: similiter & locum libri de Mor-  
 bis, vbi autor de pulmonum inflammatione &  
 laterali dolore absque sputo pertractans iubet,  
 secandam esse venam in manu iecorariam, vel  
 lienicam in ea parte quæcunque ea sit xxx  
 ὁποῦτε γινῆν ἔν ἐστι τὸ νόσημα, id est, in qua morbus  
 fiat, explicatius euoluerem, nisi apud te Gale-  
 ni studiosissimum temeritatis atque adèò im-  
 pietatis arguerer. idque tum imprimis, quan-  
 do denuo de hæmorrhoidum venarum ortu,  
 ab ipso propemodum dissentiendum mihi es-  
 set. Ad finem primæ tabulæ de venis, dum  
 venæ portæ ramos recensuissem, obiter ascri-  
 psi. Hec numerose (de maiori portæ propa-  
 gine loquens) inter mesarei membranas di-  
 stributa, ad intestina excurrit, à qua etiam non  
 minima pars ad rectum intestinum pertinet:  
 Verum ab hac ne, an à caua, venæ quas hæ-  
 morrhoides appellamus diffundantur, non au-  
 sim certo affirmare. Nam per portæ ramos  
 ad sedem pertinentes, melancholicum succum  
 expurgari, non absurdum forte animaduer-  
 tenti apparebit. Anno enim superiori diligen-  
 tius hæmorrhoides venas inquirens, vt ami-  
 co astanti, eoque morbo moleste aliquando  
 vexato, morem gererem, primum in tres in-



cidī arterias, quas à magna arteria, qua ossi sacro incumbit ortas, manifestò reperimus. Has pro hemorrhoidibus aliàs ostensas, studiosi astantes affirmarunt. Videbantur enim venæ, quod magna sanguinis spirituosī copia in eis confluxisset. Nosti namque, ex arteriæ magnæ super os sacrum seu latum innixu, & frequentiori inter secandum ipsius compressione, viciniōres ramos tanquam venas distendi, illisque concolores reddi. Verum eum qui antea illas hemorrhoidum loco commonstrare sæpius cōsuevit, facile hallucinari ostendimus. Nam præterquam quòd essent arteriæ, in ossis sacri foramina, non autem in recti intestini finem, terminabantur. Quamobrem ad venæ caue ramos accedens, eas diligenter inuestigavi, quos Parisiis ac Louanij adhuc in administratione rudior, hæmorrhoides producere, seu deriuare, credideram. At vero posteaquam rem exactius aggressus sum, eos ramos in minores ac in capillares venas distrubutos reperi, quæ in sedis cutem & musculum *αφύκτικον* vocatum, tandem inferebantur. Proinde quum eos ramos venas hemorrhoidas esse diffiderem, quodque in hirundinibus applicandis in homine nequaquam melancholico grandiores venas aliquādo conspexissem, cœpi mecum cogitare, num à portæ ramis venæ hæmorrhoides ppa-

garentur: atque mox portę ramū qui cum recto intestino adhuc in corpore relictus erat, aggressus sum, atque dilucide ad extremū vsque sedis eum pertinere animaduerti, non recta linea quidem, vt in reliquis intestinorum anfractibus, sed ad anū intestini recti finem amplexantem. Quare ea Anatome à portę ramis hemorrhoides venas esse, mihi facile persuasit, donec per occasionem in corpus incidissem, quod hæmorrhoidum vitio ante mortem laborasse conijcerem. Nostrium enim quod tum premanibus habebam, nondū annum vnde uigesimalum attigerat, & optimi habitus, partibusq; integerrimis esse videbatur. Deinde me cū perpendens, num ratio Anatomæ speculationē corroborare posset, ratiocinabar, vtrumne melancholicus succus facilius & breuiori cōpendio per portam, an per cauam, expurgeretur. Nam si per cauam vacuaretur, per portam in iecoris sinum regurgitare ipsum necesse esset, dein per angustissima orificia venę portę in minimos cauę ramulos (dummodo ad iecoris gibbum repere posset) ascendere. Insuper ex cauę principio iecorisq; gibbo, longo tramite ad os sacrum cōfluere deberet, hinc in alias venulas paulo minores et minores, donec per sedē excerneretur. præterea hemorrhoidibus affectos, semper ferē nigro arquato ve-

xari, rationi consonū esset. Porro si à portē ramis deferri ipsum crediderimus, facillima atque cōpendiosa admodū erit via. Nam quem admodum in ventriculi fundum potius melancholicus à liene mittitur, ita quoque in portē ramū ad intestina pertinentē, lien ipsum expurgaret, ex quo rectissimè ad sedē deorsum is succus pfluere. Aut si lien imbecillior ipsum attrahere nequiret, tunc sua naturali gravitate melancholicū succū ad sedē posse rectā pro manare certissimò cōstabit, in sectionibus corporum diligenter versato. Adde hos quibus eiusmodi venarū fluxus nō oppotunè suppressitur, in aquā subtercutē, ascitem scilicet, aut tympanitē sæpissime decidere: non alia fortassis ratione, quàm quod succus ille frigidus, à liene non attractus, & sua multitudine portā replens, iecur refrigerat, atque ipse humor in aquā aut flatus dissolvitur, vnde aquā subtercutem induci cōstat. Præterea si in hominibus succulentis, nec hæmorrhoidum vitio obnoxiijs, aliquando aut ob sanguinis sputum, aut aliam sanguinis ex superioribus eruptionem hircines sedi, sanguinis reuellendi gratia, applicamus, sanguinem tenuem aqueum, qualis in porta inueniri consuevit, excerni observauimus. Sed hæmorrhoidum vitio affectis,



crassus, niger, & omninò melancholicus proma-  
 nat. Et licet hæc præter alia satis efficacia mihi vi-  
 debant, tamen & in tabulis, & in quatuor libris  
 institutionum Anatomicarum Ioannis Guinterij,  
 quos multis locis correctiores reddidimus, quàm  
 potui timidissimè ea adnotaui: siquidem rem ta-  
 citè à me indicatam potius malui, quàm ita esse scioli  
 cuiusdam instar decantatam. id imprimis stu-  
 dens, ut in posterum, num res ita se habeat, ani-  
 maduertere studiosi valeant. Pari ratione quo-  
 que omnibus medicis verissimum theorema,  
 num arteriæ & cor eodem pulsus modo pul-  
 sant, in dubium tacitè inibi vocaui. nam mihi  
 nonnullis argumentis cordis motus ac arteria-  
 rum, planè pugnans contrariusque apparebat.  
 Quum cor enim contrahitur, spiritum in arte-  
 riam magnam, & sanguinem in venam arterio-  
 sam diffundit, estque is motus cordis συσολη. Quoniam  
 verò cordis sinus dilatantur, aerem ex arteria ve-  
 nali, & sanguinem ex caua cor assumit, qui mo-  
 tus propriè est cordis διασολη. Arterijs autem dila-  
 tatis, vitalem spiritum corpori illas communica-  
 re credimus, ipsasque eo spiritu à corde repleri.  
 quum verò arctantur, fuliginosa excrementa ex-  
 pelli in confesso habemus. Quare contrarios &  
 pugnantes motus cordis arteriarumque esse, relin-  
 quitur. In viuis autem dissectis animantibus, ali-  
 quo pacto id experiri licebit, si arteriæ ossi sacro

incumbenti manus vnà adhibeatur, & vniuersum cor illæsum altera manu comprehendatur. Vt interim præteream capitis motū, varios musculos & nervos etiam, quos modesta mea admonitione studiosi assequi valebunt. Verum hac de re aliàs prolixius, superis fauentibus, coram confabulabimur. Interim tuarum erit partitū, vir literatissime, hæc æqui boniq; consulere, eademq; hilaritate ac animi prōptitudine, qua alia tui Vvesaliij aliquando accepisti, suscipere, qualiterq; accurato tuo iudicio probantur, pxi-me ad me transcribere. Ea tamen legas velim, vt tumultuaria ac confusanea verius quàm accurata cura conscripta: tibiq; , non omnibus autē, communicata esse arbitreris. Proinde sicubi oratio inæqualiter fluat, suisq; numeris parum constare videat, pro singulari humanitate tua ignoscas. Quòd de reliqua studiorum meorum ratione transcribam, nihil propemodum in præsentiarum superest. Duas neruorum tabulas iā quoq; absoluius, priori cerebri septem paria delineata sunt, in altera vniuersæ dorsalis medullæ ramuli exprimunt. Adhuc eas seruandas duxi, donec musculorū tabulas & interiorū partitū omniū aggrediamur. nos p̄sentis anni cōsecutionibus rationē q̄ id cōmodissimè fieri posset, tētauimus: sed in tāta spectatorū turba, eā rē absoluerē, fuit omnino impossibile. Si hic ea foret

corporum opportunitas, quę alibi aliquando obtingere potuisset, non diu tã vtili labore studioli carerent: quum ad eam prouinciam subeundã tot celebres viri in dies me exhortentur atq; inuitent. Non facile tibi persuaseris, q̃ pręter ceteros, mea causa, Marcus Antonius Genua, philosophiæ primarius professor, atq; nostrę Academicę vniuersęq; Italię ob absolutissimam illã philosophię, medicinę & literarum cognitionẽ præcipuum decus ac ornamentum, me ad hanc prouinciam subeundam incitet, & inflammatur reddat. Cui sanẽ nisi morem gesserō, ab impietatis nota atq; crimine vix me vindicare queam: quod is singulari quodam animi cādore, vt est vir humanissimus, exterorumq; amantissimus, me amplectitur, atq; alterum veluti mihi parentem se exhihet. Quamobrem si corporum dabitur opportunitas, & suam operam Ioannes Stephanus insignis nostrę ætatis pictor non dene-gauerit, nequaquam ego eum laborem subterfugero. Interim vale & me vt facis maximẽ ama. Patauij, ex edibus filiorũ illustrissimi Comit̃s Gabrielis ab Ortemburg. Calend. Ianuarij. Anno salutis. M. D. XXXIX.

Tuę præstantiæ deditissimus  
 Andreas Vvesalius:



FINIS.

13,240